



Broj: 11-11-743/22
Vogošća, 31.05.2022. godine

Na osnovu člana 69. stav 3. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik je dana 31.05.2022. godine donio

ODLUKU O OTKAZIVANJU POSTUPKA JAVNE NABAVKE

Član 1.

Otkazuje se Otvoreni postupak nabavke usluge izrade Glavnog projekta za sanaciju klizišta Mehtefčići-II faza (izgradnja AB zida u dijelu ulice Miholjići u naselju Svrake) broj: 11-11-743/22, iz razloga što su zaprimljene dvije formalno-pravno ispravne ponude sa identičnom cijenom, te ugovorni organ nije u mogućnosti izvršiti dodjelu ugovora prema definisanom kriteriju iz tačke 9.1.1. TD.

Član 2.

Otvoreni postupak se otkazuje u skladu sa članom 69. stav 3. Zakona o javnim nabavkama BiH ("Službeni glasnik BiH" broj: 39/14), odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka nabavke.

Član 3.

Odluka o otkazivanju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 10.05.2012. godine donio Odluku o pokretanju Otvorenog postupka nabavke usluge izrade Glavnog projekta za sanaciju klizišta Mehtefčići-II faza (izgradnja AB zida u dijelu ulice Miholjići u naselju Svrake), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.05.2022. godine pod brojem: 1353-1-2-71-3-84/22.

Sažetak Obavještenja o nabavci objavljen je u "Službenom glasniku BiH" broj: 30/22 od 13.05.2022. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača.

Krajnji rok za dostavu ponuda bio je 26.05.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.05.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-743/22 iz maja 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	"PPG" d.o.o. Sarajevo	3.900,00	/	4.563,00
2	"Univerzitet u Sarajevu-Građevinski fakultet" Sarajevo	3.900,00	/	4.563,00

Detaljnim postupkom pregleda i ocjene ponuda, Komisija za javne nabavke je utvrdila da ponude ponuđača:

- "PPG" d.o.o. Sarajevo i

- "Univerzitet u Sarajevu-Građevinski fakultet" Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tačkom 9.1.1. TD je propisano: "U skladu sa članom 64. Zakona kriterij za dodjelu ugovora je najniža cijena.

Ugovor se dodjeljuje ponuđaču koji je ponudio najnižu ukupnu cijenu tehnički zadovoljavajuće ponude.

Član 69. stav 3. Zakona o javnim nabavkama BiH ("Službeni glasnik BiH", broj 39/14) propisuje da ugovorni organ može otkazati postupak javne nabavke samo zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obzirom da su u predmetnom postupku nabavke zaprimljene dvije ponude sa identičnom cijenom (3.900,00 KM bez uračunatog PDV-a), to znači da ugovorni organ ne može izvršiti dodjelu ugovora prema definisanom kriteriju iz tačke 9.1.1. TD.

U postupku donošenja ove Odluke nesumljivo je utvrđeno da postoje dokazivi razlozi izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkazivanje postupka javne nabavke usluge izrade Glavnog projekta za sanaciju klizišta Mehtefčići-II faza (izgradnja AB zida u dijelu ulice Miholjići u naselju Svrake).

Iz navedenih razloga, a u skladu sa članom 69. stav 3 Zakona o javnim nabavkama BiH odlučeno je kao u dispozitivu ove odluke.

Pouka o pravnom lijeku: Protiv ove Odluke o otkazivanju postupka javne nabavke može se izjaviti žalba u roku od deset dana od objavljivanja iste.

Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "PPG" d.o.o. Sarajevo info@ppg.ba
2. "Univerzitet u Sarajevu-Građevinski fakultet" Sarajevo gfsa@gf.unsa.ba
3. Nadležnoj Službi
4. U dosije
5. a/a



OPĆINSKI NAČELNIK

Edin Smajić
Edin Smajić